



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-34-7596-6/20
Sarajevo, 20.4.2020. godine

SVIM SREDNJIM ŠKOLAMA NA PODRUČJU KANTONA SARAJEVO
n/r direktora/direktorice

PREDMET: Obavještenje o provođenju procesa polaganja mature/završnog ispita u srednjim školama na području Kantona Sarajevo u školskoj 2019/2020. godini

Cijenjeni/Cijenjena,

kao što Vam je poznato, u Kantonu Sarajevo je do daljnjeg odgođen redovni odgojno-obrazovni proces u svim osnovnim i srednjim školama i realizira se online nastava.

S obzirom da se 5.5.2020. godine završava nastavni proces za sve maturante u srednjim školama, obavještavamo Vas o načinu provođenja procesa polaganja mature/završnog ispita u srednjim školama na području Kantona Sarajevo.

- Srednje škole su dužne, putem online platforme koju koriste za realiziranje online nastave, organizirati polaganje mature/završnog ispita u školskoj 2019/2020. godini.
- U gimnaziji i srednjoj školi za stručno obrazovanje i obuku, u školskoj 2019/2020. godini će se provesti polaganje mature/završnog ispita na sljedeći način:

- **U gimnazijama i u srednjim školama za stručno obrazovanje i obuku u kojima se učenici obrazuju po nastavnim planovima i programima za 4. stepen stručne spreme se matura/završni ispit sastoji iz izrade matorskog rada, usmene odbrane matorskog rada i pisanog eseja iz nastavnog predmeta Bosanski jezik i književnost, Hrvatski jezik i književnost i Srpski jezik i književnost.**

- **U srednjim školama za stručno obrazovanje i obuku u kojima se učenici obrazuju po nastavnim planovima i programima za 3. stepen stručne spreme se matura/završni ispit sastoji iz usmene odbrane praktičnog rada i pisanog eseja iz nastavnog predmeta Bosanski jezik i književnost, Hrvatski jezik i književnost i Srpski jezik i književnost.**

Umjesto praktičnog rada, koji bi učenik u redovnom odgojno-obrazovnom procesu radio u školi, odnosno njenim radionicama, kabinetima, trgovinama, ekonomijama, radilištima, kao i privrednim, zanatskim i drugim organizacijama i ustanovama, učenik će u pismenoj formi opisati svoj praktični rad i isti usmeno odbraniti.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- U srednjim školama za učenike sa poteškoćama u razvoju se polaže matura/završni ispit pod istim uvjetima kao i u ostalim srednjim školama za stručno obrazovanje i obuku u kojima se učenici obrazuju po nastavnim planovima i programima za 3. stepen stručne spreme.

- Svaka škola je dužna napraviti raspored odbrane mature/završnog ispita i blagovremeno obavijestiti učenike o terminu odbrane mature/završnog ispita.

Dragi učenici, svjesni smo da je polaganje mature/završnog ispita svečani čin koji predstavlja završetak jednog važnog poglavlja u vašim životima i znamo da ste na potpuno drugačiji način zamišljali završetak svog srednjoškolskog obrazovanja, ali nažalost, moramo se prilagoditi trenutnoj situaciji i omogućiti vam da na vrijeme završite svoje školske obaveze.

Stoga vas molimo za razumijevanje, te da nastavite biti odgovorni i na visini zadatka, kao što ste bili za vrijeme realiziranja online nastave, jer ste nam pokazali zrelost kakva se kod mladih može samo poželjeti.

Sigurni smo da ćete uspješno savladati i ovu posljednju prepreku u srednjoškolskom obrazovanju i uspješno nastaviti svoje životne puteve koje budete odabrali.

S poštovanjem,



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

